

ՀԱՆՐԱՎՈՐՈՒՄ ԶԻՇԱՍԱԿՈՒԹՅՈՒՆ ՎԱՌՆԱՅԻ ՀԱՅՈՒԹՅԱՆ ՄԱՍԻՆ

Հանրահայտ է, որ դեռևս վաղ միջնադարում հայերի հոծ զանգվածներ բռնի թե կամովին հաստատվել են Թրակիայում՝ հետագայում բուլղարական պետության մաս կազմած շրջաններում, դեռևս 758 թ. բյուզանդական կայսր Կոստանդին V-ը (741—775) բազմաթիվ հայ աղանդավորների Կարինից ու Մելիտոնից զաղթեցրեց Թրակիայի Ֆիլիպպուպոլիս քաղաքը։ Նրանք տեղի բնակչության մեջ տարածեցին սլավոնական աղանդը, նման գաղթեցումներ տեղի ունեցան նաև հետագայում, Հովհաննես Զմշկեկը (969—976) «Հայկական վայրերից» ու Պոնտոսից հայ աղանդավորների բռնազաղթեցրեց նույն Ֆիլիպպուպոլիսում։

Երբ խոսք է լինում Բուլղարիայի հայկական գաղութի վաղ շրջանի մասին, որպես կանոն հիշատակվում է Ֆիլիպպուպոլիսը, քանզի այն եղել է և՛ ամենահինը, և՛ ամենամեծը, և՛ ամենաբերկարակյացը, բայց չպետք է ստեղծվի այն թյուր կարծիքը, որ Ֆիլիպպուպոլիսը մասնավորապես, և Թրակիայի հայ գաղութն ընդհանրապես, միջին դարերում լուր աղանդավորներից էր բաղկացած։ Այնտեղ զգալի թիվ էին կազմում և հայադավանները։

Մի կարևոր աղբյուր, որի հունարեն բնագիրը միայն վերջերս հրատարակվեց, հնարավորություն է տալիս ընդարձակելու Բուլղարիայի միջնադարյան հայկական գաղութի աշխարհագրական արեալը, ինչպես նաև Կյուրեղ Ֆիլեացու (1015—1110) վարքի մասին է։

Կյուրեղ Ֆիլեացին առաջին անգամ գիտական աշխարհին հայտնի դարձավ միայն 1895 թ., երբ հույն գիտնական Սպիրիդոն Համբրոսը հաղորդեց նրա վարքը բովանդակող Աթոնի Կարակալլայի վանքի մի ձեռագրի (№ 42, 1341 թ., 47—203 թերթեր) մասին¹։ Այնուհետև այդ ձեռագիրն ուսումնասիրեց և նրանից ընդար-

ձակ քաղվածքներ կատարեց իր. Լուպարյուր², 1964 թ. «Վարքն» ամբողջությամբ (հունարեն բնագիրը և ֆրանսերեն թարգմանությունը) հրատարակեց է. Սարգոլոգոսը³։

«Վարքի» հեղինակն է Նիկողայոս Կատասկեպենոսը, որը Կյուրեղ Ֆիլեացու ժամանակակիցն էր և գրեթե հայրենակիցը, որով «Վարքի» իրատեսական նյութը դառնում է միանգամայն արժանահավատ։

Կյուրեղ Ֆիլեացու վարքում կան բազմաթիվ արժեքավոր պատմական տեղեկություններ Բյուզանդիայի և Բուլղարիայի⁴ XI—XII դդ. առաջին տասնամյակի պատմության վերաբերյալ (պեչենեգների Թրակիա կատարած արշավանքների, նորմանների հարձակումների, ինչպես նաև Ալեքսիոս Կոմնենոս կայսեր ռազմական գործունեության մասին՝ նախքան գալիստեր ստա-

² Хр. Лопарев, Описание некоторых греческих Житий святых („Византийский современник“, т. IV, вып. 3 и 4, СПб., 1907, стр. 378—401).

³ „La Vie de Saint Cyrille le Philéote Moine byzantin (+1100)“. Introduction, texte critique, traduction et notes par Etienne Sargologos. Subsidia Hagiographica № 39, Bruxelles, 1964; Դրախոսված է Ա. Պ. Կաթանի կողմից. տե՛ս „Византийский современник“, հ. 28, 1968, էջ 302—304, ինչպես նաև P. Karlin-Hayter, L'édition de la Vie de S. Cyrille le Philéote par E. Sargologos, «Byzantion», հ. 34, 1964, էջ 608—610; վերջինս Կյուրեղ Ֆիլեացու մահվան թվականն ուղղում է՝ 1120 թ., մի բան, որ Ա. Պ. Կաթանը մերժում է։

⁴ Բուլղար պատմաբանները հատուկ ուշադրություն դարձրին այդ «Վարքին»՝ Բուլղարիայի պատմության վերաբերյալ նյութեր քաղելու համար (Васил Гюзелев, Сведения за историята на Варна и Анхиалт (Поморие) през XI в. в Житието на Кирил Филеот («Известия на Българското историческо дружество», кн. XXVIII, 1972, стр. 315—323).

¹ Sp. Lambros, Catalogue of the Greek manuscripts on Mount Athos, vol. I, Cambridge, 1895, 132. Այժմ հայտնի են «Վարքի»² զբաղվող ևս Cod. Marcianus graec. II, 104 (XVI դ.) և Cod. Athos Lavra H 191 (XVIII դ.)։

նալը և դրանից հետո, Ալեքսիոս Կոմնենոսը եղել է Կյուրեղ Ֆիլեագոս մտերիմներից, հաճախ հանդերձ ընտանյոք այցելել նրան։ Աղբյուրներից հայտնի է, որ Ալեքսիոս Կոմնենոսը մի քանի անգամ եկել է Թրակիա, և հայերին ու պալլիկյաններին «ուղղափառություն» դիրկը բերելու ջանքեր դորժադրել։ Պատահական չէ, որ Կյուրեղ Ֆիլեագոսն ևս, ինչպես Կոմնենոսը, նույն վայրում նման աշխատանք է տարել՝ «Վարդում» «հերետիկոս» հորջորջված հայադավանների մեջ։

«Վարքը» հնարավորություն է տալիս եզրակացնելու, որ համեմայնդեպս XI դ. երկրորդ կեսին Վառնա բաղաքում եղել է հայ համայնք։ Ստորև տալիս ենք մեզ հետաքրքրող հատվածների թարգմանությունը։

Մեր սուրբ հայր Կյուրեղ Ֆիլեագոս վարքն ու քաղաքավարությունը և հրաշքների մասնակի պատմությունը, շարադրված սուրբ Նիկողայոս Կատասկեպենոսի կողմից։

Գ Լ Ո Ւ Ն 28

1. Մի անգամ սուրբը հանդիպեց մի հայի և իր աստվածային իմաստությամբ հագեցված խոսքերով համոզեց նրան հրաժարվել հայրենի դավանանքից և մտնել ընդհանրական ու առաքելական եկեղեցի...5։

4. Ահա այսպիսի և այլ բազում խրատներով նա համոզում էր հայ քրիստոնյային (τῷ ἐξ Ἀρμενίων Χριστιανῷ), որի երեխաներին իրենց մոր հետ միասին որոշ ժամանակ անց գերի տարան։ Նա եկավ ծերունու մոտ և պատմեց իր գլխին եկած բոլոր փորձությունների մասին։ Իսկական կարեկցողը նրա հանդեպ կարեկցանքով լցվելով, մի քանի քրիստոսասեր մարդկանց դիմեց և նրանք բավականին դրամ տվեցին՝ գերիններին փրկագնելու համար։ Ահա այդ [գրամը] հայ քրիստոնյան առնելով, ուրեց ոտքով Վառնա գնալ, քանզի

5 «Վարքի» 28-րդ գլխի § 1-ի շարունակության մեջ և ամբողջ §§ 2—3-ում մանրամասն շարադրված են Կյուրեղ Ֆիլեագոսի՝ հային ուղղված «համոզիչ» փաստարկները, որոնք որևէ պատմական արժեք չներկայացնելու պատճառով կրճատում ենք (բնագրային ընդգծումները մերն են—Ջ. Բ.)։

նա բնիկ այդտեղից էր։ Սուրբը նրան խորհուրդ էր տալիս այդ բանը չանի, քանզի ավագանները ոչ միայն իր մոտ եղած [գրամը] կխնեն, այլև սեփական կյանքը։ Նա ասում էր նրան. «Իմ կարծիքով քեզ համար նախընտրելի է այստեղից Վառնա գնացող նավերից մեկը նստես, քանզի նավաստիները մեզ ծանոթ են և հավատացյալ մարդիկ»։ Նա պատասխանեց. «Քամին նպաստավոր չէ և ինձ թվում է, թե [մոտակա օրերում] էլ այդպիսին կլինի»։ Դրա համար ես շտապում եմ ոտքով ուղիղ ճանապարհով գնալ։ Սուրբն ասաց. «Նկատի ունենալով քո մոտ եղած դրամը, ես խորհուրդ չեմ տալիս գնալ, քանզի վտանգն ակնառու է»։ Նա ասաց. «Երևի ինձ համար աղոթի՛ր, հայր, և թող կատարվի կամքն աստծո»։ Սուրբն ասաց. «Աստվածային կամքը դա աստծո հրամաններն են, բանական բնության կամքը՝ աստվածային կամքի կատարումը, մարմնական կամքը՝ աստվածային օրենքի խախտումը, իսկ աստծո կամքը նրա ծառաների կամքն է, որից դու հեռացել ես. ես ինձ անմեղ եմ համարում։ Արդ, եթե որոշել ես գնալ, գնա, և աստված ինչ օգտակար է մեր հոգուն կկատարի... Նոր նա [վանքից] իշավ գլուղ, պատահմամբ հանդիպեց երկու զինվորների, որոնք ոտքով, ինչպես ասացին, պիտի գնային Զլուգոս, այսինքն այն ճանապարհով, ինչ հայ քրիստոնյան։ Մի քիչ ճանապարհ կտրելով, [զինվորներն] սկսեցին հարցուփորձ անել նրան, ո՞վ է, և ո՞րտեղից, ի՞նչն է պատճառը, որ այդպես շտապում է։ Նա պատասխանեց ու ասաց նրանց ողջ ճշմարտությունը։ [Զինվորներն] իմանալով, որ նրա մոտ դրամ կա, իսկույն սպանեցին նրան։ Մնողների խոսքը չլսող մեկը չկա, որ փրկված լինի։ Ահա այդ է խոսք չլսելու արդյունքը։ Այդպես է պատվում Անհնազանդությունը իրեն պատվողներին։ Եթե որևէ մեկը սրբի ասածը մարգարեություն անվանի, նա սխալված չի լինի»։

Ջ. Մ. ԲԱՐՔԻՎԱՆ

Պատմական գիտությունների դոկտոր

6 Գտնվում է Բալկանների արևելյան մասում, Ատարա Պլանինայում։